

盤洲文集

二

皇后封贈三代

曾祖吉水簿夏令吉太保制

士有戴仁而行抱義而處其道可以致君其材可以興事而官不過八品職不過黃綬諸休衍慶在其後人三葉之孫遂母天下則龍綬先朝不一褒而已也具官某行修于身名播于外恬於榮進漫住下僚積盛德而流光致柔儀之昂貴懸書其寵已躋亞保之班郊霈先行庸正三公之冊營魂不昧勿替引之

曾祖母張氏衛國夫人制

國家廣顯親之孝崇生后第之澤外庭之宰輔內掖之妃嬪皆得追榮其三世矧敵體紫宸齊明義曜者哉某氏慈徽柔之則秉幽靖之儀德配芳圖克恭蘋澗福流來裔爰正椒塗茲推泰時之恩大開淇奧之壤綬以象服疊于幽局

祖穀太傅制

朕登建坤儀助宣王化內有進賢之志歌周南卷耳之章外無出閭之言矯漢代長秋之敝推慶源之所自酌愍冊而可行具官某令德藹乎州閭遠識諒乎

今古有撥煩理劇之材而不得其位有愛人利物之志而獨善其身集之慈孫儼乎皇極式衍曾沙之祉孰爲幽安之光出帝傳之卹章寵廟桃之時享尚其歆服益右後昆

祖母孫氏蔡國夫人制

朕稽 二祖之 聖謨變一陽之元祀蓋乾德嘗避於近晦淳化始行於上辛茲邊鄙之有興謀弔而改卜雖神釐之未受豈邦渙之可留某氏性婉而明教賢以肅四德章于女憲六嫔講其靈龜婦道顯融罔專鍾郝之美孫枝盛大遂成陰馬之家申刻蜜之新封表含飴之積慶其以蔡仲之國用光夏氏之阡

父協太師制

和熹鍾鄧氏之慶不及護羌之存實后登漢掖之尊已結觀津之恨茲值邊疆之事未行郊時之儀預出恩章敢遺戚畹具官某躬履五常之行氣備四時之和抱材不享於脩年委祉遂綿於後嗣爰有息女以外中宮詠任姒興周之詩監于彤史法春秋褒紀之義綬以師垣精爽如存寵光無數

母趙氏福國夫人制

孔子叙詩以后妃居三百五篇之首塗山娥甄姜原

任姒所以助三代之興也今朕得淑哲以隆內治則母氏之訓可忘乎某氏莊靚凝姿微柔結性出自公族分玉派之餘輝嬪于德人協鳳鳴之吉兆篤生良女遂履純坤永懷邠下之慈執尉宮中之念講陽陔之慶典開長樂之脂田尚其重泉歆此褒祿

張綬潘景珪賈選大理評事制

廷尉平斷天下之獄而負少事叢慮請誠之稽逗也益者三人庶無曠職爾等明習律令秋卿以爲言往充其官思踵平廷之美

唐仲友秘書省正字制

劉晏言天下之文惟朋字未正朕旣擢爾於風霜之地破黨與之私矣爾弟兄鼎立白眉最良發策玉堂奏篇甚善宜居中祕讎校群書歸休從容必無異同之論

王時升權兵部侍郎制

朕招延俊乂列布禁途庶幾獻納論思得厭難折衝之略咨諏謀度聞安民和衆之言顧武部之闕人稽僉詣而出命具官某秉中庸之德著朴茂之稱版部幹旋合研桑之心計輔藩撫字踵襲召之遺風節費用而府有餘財勤簿領而庭無逋事未奏會稽之最

已勞宣室之恩聚天下之兵朕方修於戎政率夏官之屬爾其治於軍防式嶠良圖用禪上策無使立朝之譽減於作郡之時

崔貴妃封贈三代

曾祖母姁太子少保制

國家廣追遠之孝崇告第之恩外則三公上及其曾門內則四妃可覃於初室龍光之渥存沒俱榮某崔方進之孫班婕妤之祖雍容孝弟之行佩服詩書之言既抱器之甚良乃埋光而不耀慶鍾來葉儀次中闈茲逢郊類之期先漏泉扃之澤惟春宮之亞保蓋朝路之巍班尚其瞻魂知此愍冊

曾祖母孫氏齊安郡夫人制

朕郊崇已具邊禋是虞稽皇祖之舊章卜長贏之首月預行慶典敢後外姻某氏溫觀皇姿柔明宅志佩悅奉蒞蘭之獻錡筥絜蘋藻之羞盛德所延後人鼎貴繇八月良家之選冠四星天極之躔茲以顯親之恩得推飾壤之澤祔之象服錫以脂封迺其有知尚克嘉此

祖思成太子少傅制

朕敷求邦媛光贊坤儀夙有淑聲繼樊衡二姬之行

內無私謁非許史三王之家推厥慶源賁之卹冊某
評高月旦節挺歲寒以利物而存心不逢辰而諾仕
宜篤孫枝之祐遂登妃掖之尊茲有璽章用光先廟
亞于儲傳秘彼泉途想其如存服之無數

祖母張氏和義郡夫人制

朕初履郊類已戒先庚之期會有塞氛遂移建巳之
月雖神釐之未逆顧邦渙之難稽某氏毓粹名門儼
德君子系則齊于鍾郝美聲軼于姬姜慶綿再葉之
英位冠四妃之上于沼于泚生能繫於蘋蘩如山如
河沒遂榮於羣翟光靈不昧永庇後人

父益太子少師制

天官書中宮天極其句四星大者爲正妃餘則後宮
之屬也王者求河雎之德卷耳之志者使之宣嬪則
而應乾象於是有涌泉之澤及其三卅之廟顧於顯
考不厚可乎某秉青萍之器挺梗柵之材袖手林泉
不得其位篤生淑女遂亞柔坤以孝敬而事慈闈以
謙約而諧椒屋六寢之間靡人不稱其以官師之冊
襁于幽隴以展其報親之心嗚呼休哉

母劉氏咸寧郡夫人制

聖善之愛其女以圖史之戒終泉箴紉之事諄諄焉

誨之于鄰下旣亂又笄美遇見其入禁掖登元妃光
大門閭豔於戚畹今也服幹濯之衣以六珈副笄歸
而壽其親不亦榮乎某氏其儀莊靚其德懿柔祀其
先盡執護之敬事其夫得舉按之恭有女其賢猶然
內範報厥母訓洵出風章玆裂裂宜川之疆式開湯沐
之邑門楣之語驗於是矣

吳蓋妻趙氏越國夫人制

朕將燿郊燎偶警邊烽祖武可遵嘗講上辛之下神
心斯荅宜改長贏之初雖未逆於旒褰爰預行於慶
典某氏儀容莊靚德履肅雍雅母訓少成循八篇列女
之戒壺彝公播爲四姓小侯之師蘋藻絜烝嘗之著
滌滌謹尊章之禮如賓有敬偕老則榮茲崇鸞誥之
封益示魚軒之寵越爲大國宜爾室家

王恣直松閣宮觀制

冊府上應東壁之躔吾七略群書充仞棟宇寓其宜
則與挾卷拂蟬之士等非繁歲月巧宦游者可得也
爾明經博古嫻于文辭一再超遷駸駸顯列賓之郎
位弗安厥居予之郡符旬閑愈力以其嘗入諫坡故
貼以美職遂其歸心蓋吾於言事之臣常委曲其恩
意如此

李若川權刑部侍郎都督府參贊軍事制

朕慕孝宣綜核之政推帝舜好生之心念畫地爲牢每虞其輕入故吞舟之網寧失於不經眷求時論之英俾作秋官之貳某性資闇敏談辯縱橫沛然理劇之材輔以傳家之學久徊翔於外服甫軒翥於近班治賦版曹弗寵天下之貨贊籌督府能寢淮南之謀身雖在於戎亭位不虛於禁橐解嚴可異踐職有期五刑之屬三千在成康而能厝一歲之獄數萬惟于張而不究致吾空圖之隆賴汝立朝之效

張運知廣州制

二廣之區五羊最大樂洲蒲閭民有嬉遨之風龍戶馬人政以撫柔爲上得此良翰起之叢祠具官某蘊盤錯之材去表襮之飾法家讞獄解密網之秋茶禁路理財腐太倉之紅粟把麾而去歌袴可嘉念南服甚遠於朝廷故連率每艱其印綬儻風移俗易今乎黃木之灣則海宿山行害去綠林之盜徙副朕指益殫厥心

陳正同贈四官制

朕禮優法從恩篤臣鄰晚節挂冠已徇歸田之請一朝易簪榮興移壑之嗟爰有卹章告其居第具官某

風槩方整機猷碩膚蚤騰譽於峻岷遂致身於榮路貳秋卿之禁橐知勝殘去殺之仁承天旨於籌帷有排難解紛之助把麾而去歌袴甚休忽驚垂盡之言空軫去士之悼增之四秩飾彼九京沒而有知歆此無數

潘景直祕閣致仕制

大夫七十而請老古之制也近人耽祿廼鍾鳴瀨盡而不知止吁可歎哉具官某學道洗心聲中其實蚤入京都垂上華轍歲府典樂祿臣司光皆當時之選選退休林壑亦既有年遺榮拙簪無玷終始中祕之直非賢弗居光爾桑榆用迎壽嘏

李璘常仲循資制

爾淪胥異域久厭腥羶挺然來歸亦著功效進秩有命考組和門益思盡忠用答天濩

僉書樞密院錢端禮封贈三代

曾祖暄奉國公制

錢氏有德於吳越之民上天左右之宋興二百年間枝胄蕃衍重龜襲紫爲擢紳望族運籌帷幄祖孫相繼發祥錫羨厥有自來具官某得傳家之學蘊邁俗之材入聯禁途分司會之劇職出顯方面暢柔遠之英

規摺紳高其令名史策紀其遺懿惟厥顯考光輔兩朝迨今三葉復登宥地天之報施可驗不誣大師維垣已崇愍典四塞之國載錫蜜章是爲有後之光益篤無窮之祉

祖駙馬都尉景臻大寧郡王制

宋有天下凡將相之子勲貴之家以選而爲副車者無慮數十百人雖公圭將鉞生極其榮而甲第綺襦代襲豪侈求其來裔卓爾不群秉樞翊政光于三階者未之有也具官某永昭陵之禁鬱異姓王之聞孫謙畏慈仁白圭無玷享心園之奉而有聲于戚晚傳金籙之學而善訓其後人且有孫枝致身兩地世德之懿瞻前無隣爵秩既尊疊繼泉壤爰以新社隱爲樂郊尚其如存服我休命

父忱慶國公制

昂霄之木不生於培塿之丘縱壑之魚不出於蹄涔之水公侯之子孫鍾前人之盛烈受高門之美蔭奮然有立爲國光輝者所憑厚也具官某夫姬之嗣休有德名樂善履謙白首不變教忠之訓咸仰義方陟我幾廷寶爾賢息廷登之始飾綬有常表其流光胙國于慶式增廟祔之寵且慰烝嘗之恩

妻高氏和政郡夫人制

劉向採取詩書所載賢妃列婦與國顯家可法則者爲烈女傳後之秉直筆者莫不綯形管之書序鵲巢之德以足一代之史蓋婦人不出房闈美聞干姻黨則名達于州閭至於垂之竹帛自微以至著非一朝一夕之力也某氏桃安蘭行華閭之英雖有姬姜孰如賢範必娶高國偶合前言主饋奉膏肥家盡善輔佐君子至于掌樞翬翟之封以榮鸞諧岷峨之壤載啓脂田享其偕老之榮益修內助之德

左僕射陳康伯祖居仁越國公制

朕霖雨之恩賢佐復正台衡舟楫之濟巨川遂疆國勢虜帳變發蒙之語邊氓諧咽哺之歡式衍慶源用覃先廟具官某仁義根于心術孝友得之天姿懷利器而不施影華纓而漫仕惟邦之桀實爾之孫遂以維垣厥封康叔之國貴之新冊大開勾踐之疆音徽不遐尚克嘉此

范成大秘書省正字制

瀛洲英俊之躔也中興以來未有父子踵相躡者爾學贍而文縉吐美于前人益觀異書以正魚魯之謬吳樞右朝奉大夫制

西師出塞日關故臺中禁疏恩用酬茂績爾頃君莫
府辦治文書靡監夙宵軍行有賴第勞增秩少示寵
光益思竭忠以濟勳闕

邵及之福建運判制

分道置使民之休戚係焉自昔用人或私其黨朕比
下令必對於文陛然後命之蓋敷奏以言明試以功
之意以爾吏能可取治郡有聲子節閩川廷無異論
故使汝便道奏事而終綸不憚於先出也哉吏惠民
轉輸不絕俾七郡無不革之弊乃稱澄清之職

肇衍大理正制

朕憲法吏吹毛不循三尺棘寺之屬詳於用人爾決
讞之又以文母害其聽獄成思繼平友之美

戶部侍郎朱夏卿父勝非魯國公制

魯人類帝用駢剛於上辛漢代祀天歌朱明之雅樂
朕稽前王之成憲遵列祖之舊章偶四鄙之多虞變
一陽之大禮先敘中壇之福廣爲幽愛之光具官某
名聞華夷功在社稷拜安國步扶日載於天衢具赫
民瞻應星符於台路有嗣賢之分鼎貳禁盜而箠鞭
尉其陟岵之思出此涌泉之澤不改師垣之槌大開
闕里之封尚其英靈歆此愍飾

兵部尚書沈介故母莫氏贈碩人制

人子有吹棘之難創鉅痛深頃步不忘哀感惟金革
之事起之于服舍則先王許其變禮蓋移孝爲忠不
以家事辭王事也某氏四德兼全六嫔所則相其夫
猶樂辛之室仁其子得鳩鳩之風茲因邊鄙之虞奪
爾執喪之嗣郊立有孀少塞沉憂音徽不遐知有卹
冊

又所生母阮氏贈碩人制

漢文帝以黃龍見成紀始下詔議郊祀禮官曰古者
天子夏親祀上帝於郊廼以四月辛雍祠五時今朕
以邊事展期蓋亦有合於古也某氏其性婉淑其儀
莊靚迺生令子爲時顯人入從出藩已盡立身之美
冬溫夏清莫酬養志之誠式尉孝思用推愍典毋慈
如在尚克享之

鹽洲文集卷第二十二



蘇州府志卷第二十三

蘇州府志

卷第二十三

蘇州府志

卷第二十三

蘇州府志

王之望端明殿學士提舉江州太平興國宮制

朕圖回治道招顯時髦縱壑相須聚精神於左右墜淵爲戒全進退於始終錫此明綸賁于近輔其官某裨材足用抱器不群茹古涵今明於先王之術本仁祖義列於君子之林蚤歷通階屢分劇職召節遠來於巴蜀戎旃特摠於江淮言兵體之三章自許興邦之策堅帝意以十事載嘉專主之忠延繇諫坡遂躡政地異素懷之底績能刺任而有爲命其復往視師闕焉久不聞問國人皆曰可去謂尚出於私心臺評以汝爲傾殆弗容於公議念股肱之舊初推體貌之優恩畀以真祠班之祕殿俾遂燕閒之心當無喜愠之容噫孔子失之宰子蓋知人之不易成湯至于帝乙何謀國之皆賢其服寵尤尚思報塞

敷文閣待制朱翌五朝議大夫制

三年而計群吏若稽陟典之文案日不離小官獨域從臣之考茲協銓曹之格實彰名器之公具官某學問淹該詞章典贍右坳書事馬遷有良史之材西掖

出綸蘇頌爲代言之最論度皆本仁義吐茹不以剛柔厄彼讒波久於炎嶠晚逢更化連命承流撫字不諱其勞循良無媿於古雖奉祠而養氣蓋遷秩之應條其服明綸以暢榮問

韓彥古太府寺丞制

吾以比邨有譽命爾視先世之部曲以圖上其方略爾奮然願行無避難之色歸表使殿雍容可觀顧雖攝事郎闈而雉監猶須女也司府之屬俾復其舊任踐厥官則朝有著矣

江淮都督楊存中父震秦國公制

古語云三代之將道家所忌儻世濟忠義則福祿鼎來遠而有耀矣道家之忌豈其然乎具官某弢略傳家盡力邊國父子死敵名藏金匱天之報施乃在嗣賢父典戟衛度知兩朝以槐衮齊旌而賜真王之褒以碧幢黃鉞而顯賢府之威茲遇郊釐益光禡廟咸秦之國載徵舊畧英爽不亡尚克嘉此

王天覺循資制

兵出西方人百其勇第功行賞小大不遺尔名在轅門戰攻有績進秩一等用示恩榮

王師心知湖州制

朕巡守三吳以老雲爲藩輔囑告九牧欲召杜之人材得此良翰輩子僉屬具官某望實高疑材猷碩廣再登獻納之班獨抗忠嘉之論孟容還制多士想聞其風山濤執銓人物各爲之目郡章再維帥節五移拔薤本以抑強嚴霜司畏趙崇陰而聽訟白日顯行凡牧人御衆之方無適道索塗之患茲選吳興之守孰踰禁密之英賴善政有以撫綏則斯民不復愁歎往振其職永孚于休

虞允文父棋太子太師制

蜀道文儒之林也在西漢時嚴馬淵雲稟靈江漢擅聲四海後來仰之如慶雲景星曾未聞父子繼美及致身鼎輔者我宋勃興異材間出高視前古世載其英具官某包括群書洋溢嘉聞登名月窟仕不隆振儲休子舍大其門閭光踐鴻樞兼握政柄聚精會神景行藝高宮師寢遜制墨未乾茲講神聲復申卹冊以章教忠之訓以尉顯親之心沒有知也尚榮享之

周時稟路運判制

蜀道去朝廷幾萬里更有僭郵御史風聞所不及民有冤枉不能踐理匭及臺省之庭與我仁民而戢吏者其唯賢部刺史平爾文史足用稱有吏能蜀人也

又得治蜀之郡習於蜀之故也握此漕節是必振其職矣

張宗益起復武翼郎充殿前司將官制

朕軫念勲臣錄用其後豈無蘇辛父子爲時而奮乎爾父山西將種有峻功于朔山我懷英姿附驥屢歎故奪爾古廬處以交戟其恩報國無忝前人

張子蓋妻封國夫人制

朕考功伐而思虎臣既褒其德又擢其孤猶以爲未也顧其平生忠義不以家爲者皆伉儷之賢有以相貳之某氏端肅之行衆明之性稱于宗黨宜其閨門子蓋汗馬邊城嬰疾不壽使爾有未亡之歎而感伊威之詩也茲廣脂封昨以成國庶幾乎右殆之意

薛良朋知臨安府制

尹京之任亦難矣趙張三王擅名於漢後世猶議其明者傷於太察嚴者傷於太猛鮮克有終殆以是乎國家之都上京也尹正者皆輔弼之儲其望崇其權重可以不憚太吏可以不避彊禦懷私者不得而挽之依勢者不得而搖之故其威易立其政易成今暫擢其中名同而實異責重而勢輕故居之者爲尤難爾整頓撥劇裕而不迫接物處事和而有立使節州

摩名震中外靡人不以爾爲材也疇咨四岳擢爾大府當官而行思善其後

趙浚江東運副制

都城之外其權重者無出於部刺史百吏之外繼一道之戚休休焉寬則人無所憚蔽則萬事不理猛則澤不下流傲則情不上達傳不去乎過猶不及二者之失等耳爾材而甚健人謂素剛屢使輅亦既白首今予命汝持江左之節平其心守其局則汝之職舉矣

吳帝吏部侍郎制

朕疇咨典訓品覈實能與其彈壓都城勞以牒訴控僂之事豈若澄清選部振其銓總公平之休弊必務於盡除任弗嫌於數易且官其識遂以敏材周而通并入中臺乃率秋官之屬暨居東省嘗分夕拜之權擇良牧以尹京輟貳卿於司列甫踰月律已播治聲雖稱職可嘉在前孰出其右然審官既闕至今未得其人妙簡周行俾尋故步夫鏡明則塵垢不止衡舉則輕重罔遺惟吏政有鈐制之方則仕進免滯淹之歎益行已試之効用廣無窮之稱

黃鈞國子正闕著孫國子錄制

朕懲省官之非廣翹材之路博士貢咸復其舊輔臣謂爾通經術善屬文西州之英也召對可采列之學職勉帥以正無負推擇

周用之循資制

朕以慈闈有天地之德顧無以報之日者奉寶冊尊徽稱辨治之吏序勞進秩爾其一也祇此恩浚思稱所蒙

鍾世明復直徽猷閣知廬州制

合肥重鎮也新遭兵革之難民失其居朕誦鴻鴈之詩謀方伯之寄命從臣御史公選可勝任者爾翔歷中外久有能名薦贖鼎來金言無間茲用起爾譴域畀爾帥節還爾美職爾其以誠報國以仁撫民以智守邊以材集事使歸者輻湊閭里熙熙田疇日闢則諸大夫無失舉之責矣

汪澈端明殿學士知建康府制

十國爲連莫重高牙之寄兩都相望實兼留鑰之雄爰出華章式崇舊弼具官某量包山數識並著龜有貫穿今古之學而尊其所聞有酬酢事物之材而見於歷試忠臣謂之骨鯁獨振臺綱執政其猶股肱嘗參國論制荆襄之額聞銷疆場之外虞久慰義祠甚

淹遠業茲聽與人之誦俾遠祕殿之班護我日畿鎮
夫天甄惟虎踞龍盤之壤莫府既尊則雞鳴狗盜之
蕝非謀自瘠性圖綏撫用副倚毗

姜說兩浙運判制

王畿千里外臺耳目之選非它道比也以爾久于宦
路望有能名揭節閩川及瓜而代畿漕關負肆以命
汝惟明則能察吏茲惟公則能董衆枉惟勤則能辦
王事毋徇私以干譽毋媚上以害民十目所視可不
勉哉

倪偁太常寺主簿制

簿領雖卑奉常蓋禮樂所自出有列其間則與聞稽
古制作之事心寺不可同年而語也爾強學好脩久
率多士俾造稷嗣益觀所長

錢端禮參知政事兼權知樞密院事制

朕居域中之大以天下爲公念立政之惟艱孰稱前
疑之任儻量材而可倚難拘左戚之嫌書贊稽平人
情典故存於國史具官某學該古訓名著清蹕憂時
極飢渴之思致主出忠嘉之縕下王恢之議終始未
嘗異同成魏絳之功南北以之休息自登右府兼贊
中臺見施置之無私喜規撫之可以都俞契合猶伯

牙之操遞鍾典領雍容蓋庠下則有餘月其參國秉
共立邦基仍尊帷幄之籌匪專俎豆之事家聲不墜
臣節甚休噫二百載而中天欲顯祖宗之列三十幅
而共轂所資輔弼之良勉奮爾庸以濟于治

虞允文同知樞密院事兼權參知政事制

朕仰承慈訓尤紹慶基經武整軍莫重本兵之寄移
風易俗常懷修政之難時有異材助吾上治具官某
學周賈鑒識縕經綸軍堂上之奇兵方顯兼資之略
掃丹中之敵國遂成無競之功茲陟宥庭仍裨政路
已見贊襄之効庸知密勿之長離婁燭千里之隅物
情難隱柳下奮百世之上時望浸高宜副斗樞併參
天綽所賴股肱之助無復毫釐之差噫衆賢和於朝
當法臯夔之迹一相處乎內非專周召之權益展英
規用隆華問

王剛中端明殿學士僉書樞密院事制

國家以得賢爲重人臣以逢時爲榮况登四近之班
實應三階之象惟邦之彥非朕可私具官某誠懼無
華特操不倚學有根柢而抗以高明之識言無枝葉
而發爲典則之文附翼鱗蟲從容於宮邸們參歷
井獨振耀於藩垣超節召而復來聒復聲而可識虞

夏之書渾渾爾方推禁苑之長伊望之業凜凜平直
陟簪帷之列所資忠力同起治功噫草廩可以折衝
蓋茂明於上策股肱其惟執政無專美於前英往體
至懷奚侯多訓

魏昂魏昌承信郎制

爾父盡忠報國死於行陣恩及存沒不二而足咸界
命秩勿墮家聲

胡昉直祕閣知盱眙軍制

邊城新遭戎馬之難勞來周察必惟其人爾少長淮
壩習知風俗寓直中祕超分郡符無輕一障之棄遂
魏鴻鴈之雅

魯言太常丞周舜元太府丞魯司封將作丞
制

九寺三監之屬實言承漢爲一今遠其舊所以開搜
材之路也言史科之久達於禮文舜元名卿之子習
於財賦可封學古而仕幹用有稱焉官擇人分佐其
長各思盡忠無或負丞

唐輅大理司直制

獄人之司命也吏或巧心析律高下其手使無辜者
遭刑罰豈爲民父母之意哉故選儒臣爲司直所以

申其枉也常思名官之旨則人無冤矣

龔滂國子正制

褒衣博帶之儒露其顙者咸集于膠庠表正之官未
易居也爾博古知今御曲有譽力行所學用副選掄
祝閔利路運判徐人傑江西提舉常平制

部刺史握澄清之柄動搖山岳震懼州縣用匪其人
下則受弊爾閔夙有吏材再任蜀道就持漕節以饒
王師所以省送往迎來之費也爾人傑儒林之老久
列郎闈俾陟倉臺以臨江右所以徇更迭補外之請
也繩越適伏思振六條寬我遠懷時爾之職

陳輝知廣州制

番禺爲一都會象犀珠香之湊見者惑之貪泉之詩
所爲作也遐萌曷於朝廷連率係其休戚必得文武
威風知大體者過稱其選以尔老子官途節以儒術
蘇枯鋤疆勇於去弊旌旗蓋海南伯其尊卑爾重權
用族報政思濟斯民以稱朕仁不異遠之意

竹友直循資制

日者宿衛置使大開莫府兩名在籍中厥有賞與進
秩之榮國不失信

韓慤賁循資制

國家除戎器以藏武庫嘗下諸郡作甲爾能勤其官
先期趣辦爰進一秩示信賞也

左迪功郎龔摠父紋封右承事郎制

朕以孝治天下推紫壇之澤于有官君子凡給背鯢
齒之老有子列于仕籍者咸得而寵光之爾脩身齊
家旄期稱道義方之訓著于鄉鄰載增命秩以爲爾
桑榆之榮

馬希言太府寺主簿制

有列于朝者 搢紳之選况九寺之屬乎爾摠領工
巧勞於辨職司府勾稽肆以命汝往欽而長益勤其
官

胡堅常直祕閣知盱眙軍制

盱台新創於兵數月之間郡將三易遴擇其人將以
徠流土而通玄市爾贊貳京邑咸謂有材召對便朝
占對可喜寓直藏室界以虎符能振其職則吾無北
顧之憂矣

洪歲大理司直制

法家者流或用刑定罪安忍深刻失先王仁恕之意
司其直非儒者安歸乎爾名父之子顯門擅業從踐
其官必能以古義決疑獄也

秦震循資制

日者北鄙有釁

茲嘗視師江上凡扈從之吏無小大畢進其秩爾名
在籍中且受茲賞

李暉降官制

爾掌征商之事課損于常宜在大譴之域又訟其僚
驗之無實并按爾罪欲不懲可乎奪官一等省我寬
科

朱華孫降官制

爾爲縣大夫吏有乞取之憂而憤不之覺緡錢會計
差舛豈無雀鼠之可疑也寧失不經姑用貶秩服我
寬典思善前愆

知贛州趙公稱復直祕閣制

朕慕西漢良吏之盛故信賞必罰循名責實祖述孝
宣之政爾頃坐小過失中祕之直旣更大官而治聲
達于朕聽遠爾舊物思所報焉

盤洲文集卷第二十三



張孝祥

張孝祥復集英殿修撰知靜江府制

炎嶠分疆八桂獨為善地有唐重外九牧多用詞人
我得良翰司寬遠慮以尔性識超詣學問紛綸抱昂
霄聲望之杆利欽弩淬鋒之器廣廷對策諸老生莫
敢抗衡兩禁代言學士至於閣筆典股肱之劇郡
掌管齋於留都治有能名庭無通事瞻遐萌之未艾
咨南伯而匪輕稍還論議之班任重蕃宣之寄推埋
或好法今當去渠魁淄蠹之在州閭蓋新軌轍國須
賢立吾不汝忘

李珂改官制

仕者藉六考有薦者五人然後脫身小選亦可謂難
也已矣爾好學能文嘗見推擇便坐賜對詳整可采
躋之王官非常典也思我恩渥有以稱之

劉芮湖北提點刑獄鄭丙湖南提舉常平制

部使者分耳目之寄職有劇易而澄清之權等耳爾
芮恬於執利論議不阿爾丙材資敏明知民疾苦持
節重湖蓋未久也易地而處僉曰允哉或摠岸獄之
柄或行歛散之政使人無冤事無弊則惟爾之休

張訓通復官制

失律喪師罰難苟免責災肆赦澤所不遺爾久隸戎
行嘗剿敵壘浚弁甲曳兵之罪已嚴誅推息黥補
劓之恩稍還舊秩勉圖後效用蓋前愆

魏彥轉官制

山越弄兵騷我嶺表爾控弦探甲力妖鋒解圍禽
敵厥功茂焉爰陟榮階書之勇爵益忠報嗣有恩
光

劉淑贈官制

爾氣吞群盜履刃登鋒奉勇無前沒身流矢爰加櫜
典併錄遺孤三泉有知最此恩渥

孫諒轉遥郡刺史制

群盜蟻聚五嶺震驚遠聞猷猷之音可後踰時之賞
爾精忠自奮沉勇無前獨提虓虎之師遂清狡兇之
窟界之州紱李爾戎旃當今黃木之灣不見綠林之
迹益思功效嗣有恩褒

吳揆轉五官太府寺丞制

太府掌貢賦之貳而頒貨賄于受藏之府蓋周之舊
官也爾材器莊粹佩服義方萬里待行西平有子俾
丞九寺仍陟五階用增濟美之休且示褒忠之眷往

涉其筆以對恩光

吳柄轉五官直祕閣賜紫章服制

朕注意元戎遠馳召卽晉畫三接未盡褒賞之意爾
教患有訓稱其家兒踴進文階俾直中祕仍錫金章
之寵式增綵服之光

周夢若母許氏封孺人制

朕踐祀紫宮推澤遐邇影纓仕路者其親九帙則有
圭組之榮與夫湯沐之邑所以教天下之孝也爾壹
範之賢擇鄰有訓尾眉華嚴逢此恩榮用增三釜之
歡以彰四德之報

莫延廉承信郎制

爾弃其故土慕義來歸載嘉忠忱且有褒異俾躋仕
版用示恩榮

彭昇貴州刺史制

右列以選郡焉榮非異恩不能到也爾嘗扈慈殿積
有勤勞寵之州旗宜思忠報

王淪浙西提點刑獄實敷潼川運副制

坤維吉西土也距朝廷且萬里吳中吾駐蹕之所也
外臺去天纔尺五朕視其地如戶庭視其人之休戚
如一身未嘗有遠邇之間分道置使厥選匪輕爾淪

嘗持閭節有澄清之譽茲用命爾察刑于近畿爾數
嘗典蜀郡有平易之政茲用命爾轉漕于舊壤能使
民不冤用不乏官不踰吏不蠹則爾之職舉也

薛鳳國子正季翔太學錄制

士不遠千里而來使其漸摩道義服規矩則表儀
之列可非其人乎爾鳳爾翔儒之秀其推正心誠
意之學以助我長育之教

魏吉甫大理評事制

孔門高第片言可以折獄周書有訓兩造然後聽辭
爾詳練法令宜列理官欽哉欽哉毋寧上下其手

凌景夏復敷文閣直學士制

朕禮神頒祇已用上辛之吉滌瑕蕩垢率循令甲之
常惟時從臣未獲舊貫爰推茂渥實采僉辭具官某
識遂經郭量函德宇出入以乎中外聲名著乎適遐
重鎮撞牙過邊衝於尊姐清聽履振公道於銓衡
頃出多言退休間館茲廣泰壇之澤俾還內閣之班
往服綸恩以需節召

資政殿學士湖南安撫使黃祖舜轉一官致

仕制

輕裘制閭遠馳茸蕭之聲方幅叩關遂露抽簪之請

勉從雅志用出褒書具官某識洞眇綿量苞廣博
柏不膠於紙上經綸自得於胸中有嘉慶國之誠
納庶民之說榮躋樞極陳泰階六符之經任重藩垣
修方伯連率之職正仰折衝之効遽高知止之風眷
此老成閔勞以事增之品秩式寵其歸往俟鄉枌益
迎壽祉

李如岡磨勘制

三年而計群吏若稽陳曲之文余日不離小官獨減
從臣之考茲協銓曹之法實彰名器之公具官某識
探道原智優具司刑禁路鞠茂草千園靡敷惠藩
方美甘棠於南國奉義祠而通志增華秩而應條生
服恩綸益休廣譽

梁俊彥轉運郡刺史制

朕患陟典之濫或公其法自貴近始所以奉
三無私也爾蚤齒儒林通於文史典司官維能勤其
官環列序進訓齊有賞州紱之榮與類等益思忠
恪以對光寵

周葵封宜興縣子制

朕嗣守洪基肇禋紫時當路寢齋居之警霏雪甚繁
暨闕宮朝獻之辰陰靈畢解克踐熙事爰布慶條若

時舊德之臣且出明綸之命具官某深忠許國直
事君非克殛之道不陳同熙庶績殆亮晏之佐弗及
咸仰貴名屬三歲之親祠值四郊之多壘建改卜之
議能稽皇祖之成規近洎成之休遂展泰元之大
報會有燕閒之請莫陪顯相之儀茲舉典章用開爵
邑噫致齊侯之胙有考舊聞受宣室之釐敢懷專卿
益綏吉履用對恩表

王之望封襄陽縣子制

朕傳舊規於二祖變熙事於一陽啟誓而郊協魯
國辟犧之祀獲獸以饋若漢代白麟之章既薦上儀
用推慶澤具官某忠規致主壯志絕人闢紫闥而攀
台階榮躋四穆天綽而經國體密贊萬幾緬惟消
選之辰實參政下之議偶休間館莫相明禋茲疏穀
璧之封乃荒萊食邑噫百神咸秩已格嘉虞之休
萬福來同敢懷專卿之意更綏吉履益對恩輝

黃祖舜贈五官制

祿賢褒德稽載籍之章隱惡崇終存有邦之典令
若時峻望官列輔臣方覽挂冠之章忠聞易簣之語
告其居第出此卹書具官某器局沈深風規直諫傳
孔孟聖賢之學入淵騫德行之科卿佐是謂股肱又

運中樞之畫俎豆嘗聞軍旅爰分方面之權羽淵忽夢夫黃能長沙果集乎子鵬命之不淑識者咸嗟用增幽壤之榮咨進文階之品尚其不泯歆此猶生

劉立等轉官制

爾等頃以軍興奔走郵置宜推賞澤用獎勞勤

高郵軍立功人轉官制

淮濱之役氛祲盤結爾等或被甲戰野或銜枚攻營第賞褒功咸進階秩益思忠力以對恩榮

權洮州趙令結妻包氏封令人制

爾夫身留異域而王師薄于城下爾能率軍民望風歸義忠壯如是女史所無宜錫令名以開脂澤使妾男子知所媿焉

楊貴等轉官制

西陲受敵百將同功爾賈勇奮軔斬首捕虜幕府差次宜陞榮階往服恩光益圖報塞

吳益轉右朝奉郎制

朕惕奉慈諒先臨寶祚嘗覃中外之慶靡分大小之臣具官某接物惠和宅心端栗披尋竹帛知師友之淵原怡養丘樊玩煙雲之舒卷頃階威靈蚤綴從班獲逢嗣服之恩實應遷官之典益思謙畏用保寵榮

薛良朋進職制

人主以八柄馭群臣子奪廢置猶雨露雪霜不可以偏廢也二浙歲惡不入民多菜色朕隱憫流徙食不甘味故坐視不恤如嘉如康祖如宥之者則繼之奉使稱職如言如閱者則陟之爾奉行不懈賁求有勞顧不賞可乎進直河圖尚勉之哉

姜詵進職制

朕哀凶歲之民軼殍野之慮揀苗之策靡不施行王城之外流亡四集今既數月矣幸而生存則可以返其田廬有司勞於振卹者以次取賞寧過於厚所以勸勤事之吏庶幾厚廣我仁民之心也爾閱視調委不懈厥職道山之時謂優恩益思其終以稱群論

韓彥古轉官制

日者聚飢民於四郊分官吏稟食蠲免致醫賑卹承民曹實矣且事今生者可歸第勞出賞增秩一等以勸後之濟斯民者

吳拔駕部郎官制

郎位上應乾文爲朝廷華轍爾有列卿寺訓墨未乾躋之司輿時謂異渥所以彰乃父教忠之美也惟爾行安而節和必能恪居厥官以稱朕意